



Naslov
Fondacija CURE
Izveštaj 2012.

Izdavačice
Fondacija CURE

Lektura
Merima Omeragić

Prijevod
Marija Vuletić
Hatidža Gušić

Štampa
Cober d.o.o.

Tiraž
300

FONDACIJA CURE IZVJEŠTAJ ZA 2012.

1. CURE
2. OŽIVLJAVANJE ŽENSKOG POKRETA U BIH
3. PUTUJUĆE FEMINISTIČKE RADIONICE
4. PROJEKAT OSNAŽIVANJA KAPACITETA FONDACIJE CURE
5. PITCHWISE - 7. FESTIVAL ŽENSKJE UMJETNOSTI I AKTIVIZMA BIH
6. 16 DANA AKTIVIZMA
7. CURE PARTNERSTVA
8. ULIČNE AKCIJE
9. PUBLIKACIJE
10. NEOČEKIVANI REZULTATI
11. DONATORI/KE



UVOD

Fondacija *CURE (CURE)* je feminističko-aktivistička organizacija koja djeluje za jednakost spolova i rodova zalagajući se za pozitivne društvene promjene putem obrazovnih, umjetničko-kulturnih i istraživačkih programa. Organizujući afirmativne akcije *CURE* slave snagu i moć žena, te rade na osnaživanju osoba kako bi postali/e pokretači/ce društvenih promjena u BiH i svijetu. Feministički aktivizam je omogućio siguran prostor u kojem su žene jake, neustrašive, sposobne i ujedinjene sa svim svojim različitostima. *CURE* je organizacija profesionalaca/ki i volontera/ki koji/e izlaze na ulice u znak javnog protesta protiv nasilja, diskriminacije, kršenja zakona i osnovnih ljudskih prava, organiziraju performanse protiv nasilja, pozivaju umjetnike/ce, naučnike/ce, edukatore/ice, aktiviste/ice, građane/ke na akciju i konkretan lični doprinos za kreiranje boljeg i zdravijeg bosanskohercegovačkog društva.

CURE VIZIJA: Fondacija *CURE* teži da ravnopravnost spolova u BiH i svijetu bude priznata i zastupljena u svakom društvenom segmentu (kako privatnom, tako i javnom), da pozitivne društvene promjene budu ostvarene zajedničkim naporima i suradnjom svih pojedinaca/ki i organizacija koje rade na osiguravanju prakticanja ljudskih prava, da se žene aktiviraju u razvoju društva kroz pozicije u procesima odlučivanja, kao i putem kreativnog izražavanja.

CURE MISIJA: Otvaranje Multimedijalnog centra za žene i djevojke u cilju kreiranja resursa koji će doprinjeti Herstory (ženskoj istoriji) i koji će biti mjesto za učenje i osnaživanje žena, djevojaka i mladih.

Ovom prilikom *CURE* tim se želi zahvaliti svima na suradnji, podršci i solidarnosti.

Tim Fondacije *CURE i volonteri/ke u 2012. godini:* Jadranka, Vedrana, Stela, Berina M., Denija, Sadžida, Berina Dž., Marija, Dubravka, Hatidža, Saida, Theresa, Dženana, Vildana, Goran, Diana, Lepa, Ševko, Zlatiborka, Merima, Nedžmina, Matija, Armela, Ehlimana, Adna, Tanja, Eliza, Adina, Sanida, Kimberly, Kelsey i Bećo.

OŽIVLJAVANJE ŽENSKOG POKRETA U BIH

Oživljavanje ženskog pokreta u BiH - u 2012. Fondacija CURE je nastavila sa svojim dugogodišnjim projektom čiji je cilj jačanje unutarnje strukture same organizacije koja doprinosi većoj vidljivosti ženskog pokreta u BiH putem on-line platforme, kao i rad na stvaranju sigurnog i slobodnog prostora za sve individue i organizacije koje se bave ženskim ljudskim pravima, kao i na zauzimanju javnog i medijskog prostora. Tokom 2012. CURE su radile na praćenju medijskog izvještavanja i umrežavanju sa drugim organizacijama civilnog društva iz cijele BiH i regiona. I ove godine, kao i prethodne, realizovana su tri intenzivna treninga/radionice na temu "Ženska ljudska prava" na kojima je prisustvovalo ukupno 57 mladih žena i djevojka iz cijele BiH. Održane su i četiri radionice u srednjim školama na temu „Šta je nasilje“, od toga su tri bile u sklopu kampanje 16 dana aktivizma na kojima je učestvovalo 85 učenica/ka. Također, u 2012. godini održano je 6 tematskih sastanaka volonterki Fondacije CURE na kojima je prisustvovalo ukupno 56 volonterki i aktivistkinja. Na sastancima smo radile na temama: umrežavanje, veća vidljivosti organizacije/projekta/akcija, organizacija PitchWise festivala, pisanje projektnih prijeloga, organizacija 16 dana aktivizma, itd.

Online platforma - Web portal Fondacije CURE - Jedan od prioriteta Fondacije CURE u 2012. bilo je i povećanje vidljivosti web stranice (www.fondacijacure.org), i objavljivanje tekstova koji govore o ženskim pravima, pravima LGBTIQ osoba, diskriminaciji, aktivizmu i feminizmu. CURE web stranica imala je 79.041 posjeta sa različitih izvora, što je dva puta više u odnosu na prošlu godinu. Web stranica je posjećena 159.945 puta dok su tekstovi pregledavani 1.252.802 puta.

Facebook (FB) grupa CURE Foundation/Fondacija CURE - Tokom 2012. CURE su nastavile koristiti grupu na najposjećenijoj društvenoj mreži u BiH i svijetu Facebook kao mjesto na kojem je 1.194 članova/ica moglo pročitati najaktuelnije vijesti po pitanju ženskih ljudskih prava i razmjenjivati svoja mišljenja i ideje. Prosljeđivane su informacije i vijesti od strane administratorica i članova/ica grupe o aktivizmu, feminizmu, LGBTIQ populaciji, promocijama događaja i aktivnosti širom BiH i regije.



Ženska mreža BiH - u 2012. mrežu ženskih organizacija je sačinjavalo 112 članica. Mailing lista Ženske mreže BiH predstavlja siguran i brz način dogovaranja zajedničkih aktivnosti, prosljeđivanja informacija o bitnim događajima koji se odnose na pitanja položaja žena u bh. društvu, ali i javnih reagovanja na niz nepravilnosti u bh. društvu. U 2012. Ženska mreža BiH je javno reagovala povodom neprofesionalnog i nasilnog ponašanja policijskog službenika saopštenjem za javnost pod nazivom "Nulta tolerancija prema nasilju nad ženama", povodom postavljenih plakata u Sarajevu "JA, FUDBAL, ŽENA" u sklopu reklamne kampanje koju je radila agencija MITA Group d.o.o za kompaniju Argeta d.o.o., na formiranje Vijeća ministara bez ijedne žene, reagovanje upućeno Vijeću za štampu BiH povodom diskriminatornog članka objavljenog u novinama Dnevni Avaz "Koliko ima homoseksualaca u BiH", reagovanje povodom dogovora SDP I SNSD o zatvorenim listama za opće izbore 2014., reagovanje povodom akcije novina Press RS "Miss izbora 2012." i dopis nadležnim institucijama vlasti povodom prikazivanja video klipa koji prikazuju scene nasilja nad djevojkom u Sarajeva na web stranici YouTube. Pored ovih reagovanja ŽMBiH je pokrenula i inicijativu povodom uključivanja žena na izborne liste za lokane izbore održane u oktobru 2012. godine.

Konferencija Ženske mreže BiH „Zajedno smo jače“ - je predstavljala partnerski događaj Ženske mreže BiH i TACSO (Tehnička podrška organizacijama civilnog društva) projekta u BiH koja se održala od 21. - 22. 06. 2012. Na konferenciji je prisustvovalo 56 učesnica/ka iz 43 organizacije koje se bave ženskim ljudskim pravima iz 20 različitih bh. gradova. Konferencija Ženske mreže BiH je bila fokusirana na izradu zajedničkog plana akcije za efikasnije djelovanje članova/ca Ženske mreže BiH. Konferencija ŽMBiH je rezultirala dogovorom oko osnovnih principa platforme i kodeksa, koji uslovljavaju članstvo u mreži i oko kojih se ne gradi konsenzus.

Radionice „Sama sebi na prvom mjestu“ - održane u oktobru 2012. na kojima je učestvovalo ukupno 48 učesnica. Učesnice su bile iz nekoliko bh. gradova: Zenice, Bihaća, Tuzle, Banja Luke, Sarajeva i Srebrenika. Radionice su se sastojale od interaktivnih vježbi koje su se zasnivale na diskusijama, čitanju poezije, rada u grupama, dijeljenja personalnih iskustava, itd. Teme o kojima se diskutovalo na radionicama između ostalih su bile i Coming Out i partnerski odnosi. Pored pomenutih aktivnosti održana je kreativna radionica izrade stencila/šablona.




PUTUJUĆE FEMINISTIČKE RADIONICE

Putujuće feminističke radionice - U 2012. Fondacija CURE je nastavila sa kreativnim projektom koji se realizuje putem radionica sa mladim djevojkama iz cijele BiH. Ove godine CURE su organizovale radionice i posjetile gradove Tuzlu, Srebrenicu, Travnik, Mostar, Banja Luku, Goražde i Sarajevo. Na radionicama se na jedinstven i zanimljiv način obrađuju osnovni pojmovi spola i roda, HERstory - ženska historija kroz vrijeme i prostor, aktivizam i feminizam putem prezentacija, diskusija, vježbi i video projekcija feminističkih filmova. Na ovim radionicama prisustvovalo je ukupno 70 mladih djevojaka i žena. Cilj projekta je bio da osnaži mlade žene kako bi one mogle implementirati ulične akcije u svojim gradovima. Održano je 5 različitih akcija u 5 gradova Bosne i Hercegovine (Tuzla, Banja Luka, Gračanica, Goražde, Sarajevo) gdje su učestvovalе aktivistkinje koje su prošle program Putujućih feminističkih radionica. Na ovim akcijama je također učestvovalo oko 150 indirektnih učesnica/ka.



Feministički ljetni kamp - ove godine aktivistkinje Fondacija CURE su organizovale ljetni kamp koji je održan u rafting centru Drina-Tara od 22. do 26. avgusta. Petodnevni Feministički ljetni kamp je bio jedinstveno mjesto za mlade žene i djevojke i omogućio je polaznicama da se upoznaju i razmijene iskustva o organiziranju lokalnih akcija, trenutnim problemima za mlade žene u bosanskohercegovačkom društvu. Teme o kojima se na kampu govorilo su: organiziranje, plan aktivnosti i upravljanje događajima, liderstvo i upravljanje, dokumentovanje aktivističkih akcija i web aktivizam. Cilj rada u kampu je bio zajedno kreirati plan lokalnih aktivističkih akcija u 5 zajednica u BiH koje su organizovale učesnice kampa uz podršku aktivistkinja Fondacije CURE. Na kampu su učestvovala 22 djevojke iz sljedećih gradova: Sarajevo, Mostar, Lukavac, Goražde, Zenica, Čelinac, Gračanica.



Sastanak mreže mladih aktivistkinja - CURE EDU mreža mladih aktivistkinja je neformalna mreža koja funkcioniše na principu razmjena informacija putem mailing liste, sastanaka i organizovanja zajedničkih aktivističkih akcija, a članice mreže su mlade žene i djevojke iz cijele BiH, koje su prošle CURE edukacije. CURE EDU Mreža mladih aktivistkinja je u 2012. povećala broj članica na 469. Fondacija CURE je, i ove godine, organizovala sastanak mreže mladih aktivistkinja, na kojem je prisustvovalo 27 mladih aktivistkinja i na kojem je pored edukacije i razmjene iskustva, napravljen plan o organiziranju lokalnih akcija. Aktivistkinje su na seminaru organizovale plan ulične akcije za 8. mart Međunarodni dan žena. Glavni cilj ove akcije je podsjetiti zašto je 8. mart Dan žena, koja su prava žena i koja se sve prava još uvijek krše, te kako svaka osoba može dati svoj doprinos rodnoj i spolnoj ravnopravnosti. Sastanak mreže mladih aktivistkinja je rezultirao akcijama djevojaka iz Bosanskog Petrovca, Gračanice, Travnika u njihovim lokalnim zajednicama.



Regionalna suradnja sa sestrinskim festivalima - U 2012. aktivistkinje Fondacije CURE nastavile su suradnju sa aktivistkinjama iz regiona. CURE su učestvovala na nekoliko sestrinskih festivala u Srbiji i Hrvatskoj na kojima su predstavljale rad Fondacije CURE i aktivnosti organizovane u sklopu PitchWise festivala ženske umjetnosti, kojeg organizujemo već sedmu godinu. U 2012. CURE su aktivno učestvovala na sljedećim festivalima:

Vaginini monolozi u Nišu - Na studijsko putovanje u Niš otišlo je 5 aktivistkinja Fondacije CURE u periodu od 05. - 06. 04. 2012. godine. *Čitajući performans* „Vaginini monolozi“ održan je nakon radionice koju su organizovale članice Ženskog prostora i Centra za devojke iz Niša. Performans je bio jako dobro posjećen i to je bio pokazatelj da su pitanja nasilja nad ženama postala prepoznatljiva kao generalni problem u društvu. Performans i radionica su bili prilika za sve aktivistkinje da se sastanu i podijele iskustva stečena u toku svog rada.

NLO Lezbejski festival: Umjetnost radi akcije 5, održan je od 01.- 03. oktobra 2012. i bio je posvećen osuđenim članicama ruskog benda "Pussy riot" i temi društvene pobune. Na festivalu su učestvovali/e aktivistkinje/i iz regiona (BiH, Hrvatska, Srbija) i zajedno doprinijeli/e diskusijama, panelima, radionicama, te zabavnom programu. U programu festivala su bile uključene projekcije filmova, tribine, radionice, te zabavni program.

Vox Feminae festival udruge K-zona održan je od 21. do 24. novembra 2012. u Zagrebu s ciljem promicanja angažiranih i kreativnih rodničkih praksi na području kulture, medija, komunikacijskih tehnologija, te društvenog angažmana i poduzetništva žena. Fondacija CURE aktivno je učestvovala u programu ovogodišnjeg festivala na kojem je predstavila svoje aktivnosti.

PROJEKT OSNAŽIVANJA KAPACITETA FONDACIJE CURE

Zahvaljujući sredstvima Global Fund for Women Fondacija CURE se preselila u nove i prostranije kancelarije i na taj način uspjele smo osigurati materijalne resurse i prostor za nove članice i volonterke. Ovim sredstvima CURE timu je obezbjeđeno osiguranje u slučaju ozljede na radnom mjestu i promo materijal koji je omogućio veću vidljivost Fondacije CURE. Također, ovim projektom omogućena su nam putovanja na radionice koje su aktivistkinje Fondacije CURE dobrovoljno organizovale na zahtjev različitih grupa žena i djevojaka iz cijele BiH u okviru projekta „101 razlog zašto glasati za ženu na lokalnim izborima 2012.“. Na taj način Fondacija CURE dala je svoj doprinos i podršku mnogim formalnim i neformalnim grupama u manjim sredinama u BiH i ostvarila veliki broj kontakata i neočekivanih rezultata



PITCHWISE - FESTIVAL ŽENSKE UMJETNOSTI I AKTIVIZMA BIH

PitchWise festival ženske umjetnosti i aktivizma „Neustrašive i odvažne“ - Aktivistkinje Fondacije CURE organizovale su, sedmi po redu, PITCHWISE festival ženske umjetnosti i aktivizma 2012. Program ovogodišnjeg festivala sastojao se od brojnih kreativnih radionica, predavanja, projekcija filmova, izložbi, performansa, uličnih akcija, predstava, partija i javnih debata. Na PitchWise-u 2012. prisustvovali/e su mnogobrojni/e gosti i gošće iz regiona i Evrope: Srbije, Hrvatske, Kosova, Crne Gore, Albanije, Njemačke i Velike Britanije. Kroz sve aktivnosti PW-a ukupno je prošlo preko 450 posjetitelja/ca, učestvovalo je 36 umjetnika/ca iz BiH i regiona, dok je izložbe i projekcije filmova posjetilo preko 300 osoba. Kao i prethodnih godina program PitchWise-a bio je podijeljen na dnevni i noćni. Na ovogodišnjem PitchWise festivalu ukupno je bilo 37 dešavanja, odnosno: jedna promocija knjige, četiri predavanja, prikazivanje sedam filmova, 14 radionica, 4 performansa, 1 ulična akcija, 4 partija i tri diskusije.



GLOBALNA KAMPANJA 16 DANA AKTIVIZMA PROTIV RODNO USLOVLJENOG NASILJA NAD ŽENAMA

Globalnu kampanju 16 dana aktivizma protiv rodno uslovljenog nasilja nad ženama - Fondacija CURE je i ove godine svojim aktivnostima podržala i učestvovala u globalnoj kampanji 16 dana aktivizma. Aktivistkinje Fondacije CURE su organizovale radionice na temu "Šta je nasilje" u tri sarajevske srednje škole. U sklopu tih radionica učestvovalo je 70 učenika/ica. Radionice su bile interaktivne i omogućavale su učenicima/cama da nakon odgledanog filma diskutuju na temu nasilja. Ove godine CURE su zajedno sa Institutom za razvoj mladih KULT organizovale dvije Flash mob akcije. Prvi flash mob je bio nenajavljen i sastojao se od simulacije nasilja nad ženom. Ovaj flash mob je imao za cilj da skrene pažnju slučajnim prolaznicima/ama na problem nasilja nad ženama u bh. društvu, ali i da se vide reakcije prolaznika/ca na nasilje, dok je drugi flash mob organizovan 25. 11. 2012. godine na Međunarodni dan borbe protiv nasilja nad ženama. Aktivistkinje Fondacije CURE su kao i prethodnih godina učestvovala na obilježavanju 10. decembra Međunarodnog dana ljudskih prava u Parlamentu BiH i na uličnoj akciji koja se organizovala povodom ovog dana.



CURE PARTNERSTVA

Oснаživanje žena u političkom životu BiH - 101 razlog zašto glasati za žene na lokalnim izborima 2012. godine - ovogodišnje aktivnosti projekta sastojale su se od uličnih akcija „Smanji stres glasaj za ženu“ u 11 bh. opština na kojima se dijelio promotivni materijal, gerila akcija čiji cilj je bio informisati građanstvo o aktivnostima projekta, te gdje i kada će se organizovati ulična akcija, zatim događaji „Kafa sa poznatim“ i javna tribina koji su se organizovali u svakoj od 11 projektnih općina (ukupno 22 javna događaja i 7 događaja u gradovima koji nisu bili obuhvaćeni projektom). Nakon ovih aktivnosti uslijedilo je snimanje i emotovanje radio jingla u svrhu lobiranja šire javnosti da izađu na izbore i razmišljaju o ženi kao svom izboru. Također, u sklopu projekta nastala je elektronska publikacija koja se sastoji od 101 izjave poznate osobe zašto glasati za ženu koju možete pogledati na internet stranici: www.101razlog.ba. Sve aktivnosti projekta pratila je medijska kampanja koja je imala za cilj promovisanje učesća žena u političkom životu BiH gdje je u periodu trajanja projekta ukupno bilo 965 medijska nastupa.



X-PRESS Socijalna inkluzija kroz medije - X-Press ukazuje na diskriminirane grupe, na taj način da svakog mjeseca predstavnici/ice marginalizovanih grupa razgovaraju sa novinarima/kama o oblicima diskriminacije koje doživljavaju kako bi medijski radnici stekli odgovornost etičnog i korektnog izvještavanja o manjinskim grupama. U 2012. CURE su realizovale 9 X-Press sesija i učestvovala u organizovanju i dodjeli novinarske nagrade „Srđan Aleksić“ za profesionalno izvještavanje o marginalizovanim grupama u BiH. Kroz sve sesije u 2012. godini prošlo je 113 učesnika/ca, od toga 48 predstavnika/ca medija i 65 predstavnika/ca marginalizovanih grupa.

Interventni fond za žensko poduzetništvo - u 2012. nastavila se ideja Interventnog Fonda za žensko poduzetništvo. To je inicijativa Fondacije CURE i Udruženja INFOHOUSE nastala u 2011. koja ima za cilj jednokratno finansiranje projekata nezaposelnih žena namjenjenih njihovom samozapošljavanju. Ove godine sakupili/e smo novčana sredstva u iznosu od 21.550 KM od strane nekoliko poslovnih subjekata. Na osnovu glasova članova/ica Komisije, a u skladu sa objavljenim kriterijima javnog poziva prikupljena sredstva je dobilo 15 aplikantkinja sa najboljim poslovnim idejama. Cilj Interventnog fonda jeste poboljšati perspektivu zapošljavanja žena kao marginalizovane i ugrožene populacije u BiH kroz finansiranje izvedivih i konkretnih poslovnih ideja za samozapošljavanje.



Zajedno protiv rodno uvjetovanog nasilja - Fondacija CURE, kao partnerska organizacija, je zajedno sa Centrom za edukaciju, savjetovanje i israživanje iz Hrvatske (CESI) implementirala projekat „**Zajedno protiv rodno uvjetovanog nasilja**“ u BiH. U sklopu projekta odražana su tri sastanka od kojih je jedan bio evaluacijski sastanak, trening za trenerice TOT i studijsko putovanje u Zagreb. Cilj projekta je bio da se napravi edukacijski paket za BiH kada je rodno uvjetovano nasilje u pitanju, da se obuču nastavno osoblje za rad sa učenicama/ima na ovu temu i studijsko putovanje u Zagreb čiji je cilj bio bolje razumijevanje specifičnih aspekata teme rodno uvjetovanog nasilja. Na evaluacijskom sastanku na kojem su prisustvovala pedagogice, profesorice i predstavnice NVO prihvaćen je edukacijski paket koji je osmišljen i koji će se koristiti u daljem radu u školama na temu rodno uvjetovanog nasilja.

Friedrich Ebert Stiftung - Radionice o ženskim ljudskim pravima - u 2012. godini CURE su nastavile raditi sa građankama i članicama političkih partija o ženskim ljudskim pravima i ženama u političkom životu BiH. Teme održanih radionica su bile: Političko osnaživanje žena; Žene i izbori - rodna jednakost u BiH pravni okvir; Mladi, politika i mediji; Žene - od liderice do političarke i Mladi i izbori. Ove godine CURE su održale 8 radionica u slijedećim gradovima: Tešanj, Derventa, Gračanica, Jajce, Goražde, Travnik, Trabinje i Gradačac. Na radionicama je učestvovalo 140 učesnika/ca.



ULIČNE AKCIJE

Ulična akcija povodom 8. marta - Fondacija CURE, zajedno sa udruženjem INFOHOUSE, organizacijama: Žene za Žene Internacional, Žene ženama, Fondacija lokalne demokratije i Mikrokreditna organizacija MIKRA upriličila je i ove godine program koji se sastojao od osmomartovskog marša kojeg Fondacija CURE organizira od 2009. i akcije „Pridruži mi se na mostu“, koju Žene za Žene Internacional tradicionalno organizuju u preko sedamdeset zemalja širom svijeta. Na uličnoj akciji je prisustvovalo preko 800 aktivistkinja koje su pristigle iz cijele BiH. Osmomartovski marš je krenuo od Zemaljskog muzeja prema krajnjoj destinaciji Ajfelovom mostu na Skenderiji gdje se održala ceremonija puštanja balona i manifestacija posvećena ženama.



Međunarodni dan mira, 21. septembar - ovogodišnju manifestaciju Međunarodnog dana mira pod nazivom „Mir počinje osmjehom“ organizovala je Mreža za izgradnju mira uz podršku nevladinih organizacija članica mreže. Fondacija CURE kao članica Mreže za izgradnju mira je i ove godine učestvovala na obilježavanju održanom 21. 09. 2012. godine na trgu ispred Katedrale u Sarajevu. Na trgu se skupilo nekoliko desetina aktivista i aktivistkinja kako bi obilježili ovaj dan, građanima/kama Sarajeva je podijeljen promotivni materijal, sakupljane su poruke mira, dijeljeni letci sa mirovnim porukama i za kraj upriličeno je puštanje golubova.


Ulična akcija na Međunarodni dan borbe protiv nasilja nad ženama/Narandžasti dan - Fondacija CURE zajedno sa Institutom za razvoj mladih KULT organizovala je obilježavanje 25. 11. 2012. Međunarodnog dana borbe protiv nasilja nad ženama, a ujedno i obilježavanje petog po redu Narandžastog dana koji se obilježava radi prevencije nasilja nad ženama i djevojkama. Ovaj dan je obilježen performansom u kojem je učestvovalo nekoliko aktivistkinja koje su držale parolu na kojoj je pisalo: „Nasilje nije privatna stvar“.

Ulična akcija povodom obilježavanja Međunarodnog dana ljudskih prava - ulična akcija je bila organizovana 10. 11. 2012. od strane Inicijative mladih za ljudska prava. Aktivistkinje Fondacije CURE su se priključile ovoj akciji na kojoj su učestvovali/e aktivisti/kinje koji/e su sa transparentom na kojem je pisalo „Ljudska prava u BiH, počivajte u miru“, prošetali/e ulicama Sarajeva od Katedrale do zgrade Parlamentarne skupštine BiH. Također, aktivistkinje Fondacije CURE su učestovale i na obilježavanju Međunarodnog dana ljudskih prava u zgradi Parlamentarne skupštine BiH gdje su se prisutnima obratili/e aktivisti/kinje, predstavnici/e međunarodnih organizacija i političari/ke.



CURE PUBLIKACIJE

PW Zbornik kratke proze i poezije: Zbornik je nastao u okviru književnog konkursa "PitchWise 2012". Na adresu Fondacije CURE pristiglo je preko 849 prijava radova koji su se ticali tematike rodne ravnopravnosti i ženske i feminističke angažirane umjetnosti od strane autorica i autora iz cijelog svijeta. Selekciju radova vršio je žiri koji je na kraju odabrao 19 pjesama i 16 priča koje su postale dio Zbornika. Medijska promocija Zbornika je bila organizovana u sklopu programa PitchWise festivala.



Rodnom jednakošću protiv nasilja u intimnim partnerskim vezama - je edukacijski paket za BiH nastao u okviru projekta „Zajedno protiv rodno uvjetovanog nasilja“, projekta kojeg Fondacija CURE sprovodi sa Centrom za edukaciju, savjetovanje i istraživanje (CESI). Članice i suradnice zajednički su osmislile obrazovne programe za mlade o prevenciji nasilja u intimnim partnerskim vezama. Program i sadržaj ove publikacije je namijenjen učenicama i učenicima prvih i drugih razreda srednjih škola s ciljem uklanjanja rodni stereotipa.

101 razlog za ženu na lokalnim izborima - je elektronska publikacija koja se sastoji od 101 izjave poznate ličnosti gdje je 101 osoba navela svoje razloge zašto treba glasati na ženu na lokalnim izborima 2012. koje bi trebale poslušiti neodlučnim osobama kao motivacija za izlazak i glasanje na izborima.

Političarka u BiH: politički objekt ili aktivan politički subjekt u 2012. godini - je publikacija u okviru projekta 101 razlog zašto glasati za ženu na Lokalnim izborima 2012. kojeg sprovode Fondacija CURE i udruženje INFOHOUSE. U publikaciji je predstavljen monitoring štampanih medija tokom Lokalnih izbora 2012. godine. Prezentirani su statistički podaci o dosadašnjim lokalnim izborima koji su uspoređeni sa podacima ovogodišnje političke kampanje za lokalne izbore. Istraživanje se vršilo na osnovu monitoringa najtiražnijih dnevnih novina: Dnevnog Avaza, Nezavisnih novina, Večernjeg lista i Oslobođenja.



NEOČEKIVANI REZULTATI

Konsultacijski sastanak sa predstavnicima/cama EU Komisije za BiH u Briselu - Zahvaljujući projektu finansiranom od strane organizacije Kvinna till Kvinna, aktivistkinja Fondacije CURE je predstavila izvještaj o stanju ženskih ljudskih prava u BiH, u Briselu u periodu od 21. - 26. 05. 2012. Sastanak je iskorišten kako bi nekoliko liderica ženske scene iz BiH lobirale instituciju koja najviše ima uticaja na vlasti u BiH, kako bi se stvorila politička volja u BiH za implementacijom Zakona o ravnopravnosti spolova u BiH. Put u Brisel je iskorišten kako bi se predstavnice iz BiH, Srbije, Albanije, Kosova, Crne Gore i Makedonije upoznale sa radom predstavnica EU Parlamenta, Evropskog ženskog lobija (EWL) i Evropskog ureda za izgradnju mira (EPLO). Sastanci su bili dio procesa prenosa znanja i kontakata Kvinna till Kvinne svojim partnerskim organizacijama na prostorima Zapadnog Balkana.


Koalicija 143 - Fondacija CURE je bila uključena u proces organizacije Koalicije 143 koju je formiralo preko 15 organizacija iz BiH, čiji je fokus zajednički rad na omogućavanju preduslova za stvaranje efikasne i transparentne vlasti u BiH kroz javno zagovaranje modernijeg političkog pristupa u smislu jačanja lokalnog nivoa vlasti, redefiniranja i uklanjanja paralelizma u funkcionisanju društvenih sektora, te jačanja kontrole nad izabranim predstavnicima/cama vlasti kroz redefiniranje načina predstavljanja u institucijama vlasti.

Međuregionalni susret Kvinna till Kvinna mreže "Žene i rješavanje sukoba" u Iraku- aktivistkinja Fondacije CURE je prisustvovala na Međuregionalnom susretu Kvinna till Kvinna mreže "Žene i rješavanje sukoba", u periodu od 11. - 14. 06. 2012. u Iraku. Cilj ove posjete je bio susret i razmjena iskustava aktivistkinja, mirovnjakinja i braniteljica ženskih ljudskih prava iz BiH i Iraka. Model radionice/susreta je bio da aktivistkinje razmijene svoja pozitivna i negativna iskustva, šta su to one uradile u konfliktnoj i postkonfliktnoj situaciji i šta je uspjelo. Također učesnice su mogle da razgovaraju o kontekstima njihovih država, ženskoj poziciji, političkoj situaciji i o tome šta znači raditi zajedno na rješavanju problema nasilja protiv žena u konfliktnim i postkonfliktnim situacijama.

Međuregionalni susret Kvinna till Kvinna mreže "Žene i rješavanje sukoba" u Armeniji i Azerbejdžanu - aktivistkinje Fondacije CURE su bile na Međuregionalnom susretu u periodu od

14. - 20. 10. 2012. godine u Armeniji i Azerbejdžanu. Cilj ovog susreta je bio da se mlade aktivistkinje iz Bosne i Hercegovine i Libanona susretnu sa aktivistkinjama iz Armenije i Azerbejdžana, te da se upoznaju sa čitavom konfliktnom i postkonfliktnom situacijom u ovim državama, načinom na koji rade na međusobnom pomirenju, političkom situacijom unutar Azerbejdžana i Armenije, položaju žena u ovim patrijarhalnim državama. Također, su razgovarale o vlastitoj motivaciji uključivanja u aktivizam u svojim državama, o situacijama u svojim državama, važnosti povezivanja sa aktivistkinjama iz drugih dijelova svijeta, razmjeni iskustava, te na koji način mogu pridonijeti izgradnji mira.

Internacionalni AWID Forum u Istanbulu - aktivistkinja Fondacije CURE je prisustvovala na 12. Internacionalnom AWID Forumu u Istanbulu pod nazivom "Transformiranje ekonomske moći kako bismo unaprijedile ženska prava i pravdu" u periodu od 19. - 22. 04. 2012. Na forumu su CURE iskoristile priliku za lobiranje, učenje, regionalno umrežavanje, izgradnju savezništva sa ženama širom svijeta, koristeći različite panele i razmjenjujući iskustva na sesijama. Na forumu je učestvovalo preko 2200 žena i muškaraca, a cilj je da se ruši patrijarhalni sistem, koristeći različite metode i iskustva drugih aktivistkinja koje djeluju u različitim kontekstima. Cilj AWID-ovog 12. foruma jeste da facilitiraju u učenju o ulozi i uticaju ekonomske moći na razne ženske agende, iskustva i probleme. Također, fokus je bio i da se podrži izgradnja „mostova“ između različitih ženskih grupa i pokreta sa drugim socijalnim pokretima.



Naslovna strana godišnjeg izvještaja organizacije Kvinna till Kvinna - aktivistkinja Fondacije CURE izabrana je da bude na naslovnoj strani godišnjeg izvještaja organizacije Kvinna till Kvinna, koja radi sa 1332 ženske organizacije u 5 konfliktnih regija: Centralnoj i Zapadnoj Africi, Bliskom Istoku, Južnom Kavkazu i na Zapadnom Balkanu.

Fondacija CURE je članica sljedećih mreža: Ženske Mreže BiH, Antikorupcijske mreže BiH „Account“, Šarene mreže BiH, Koalicija 143, Mreže za izgradnju mira, Sporazum +, Koalicije Aktivna inkluzija i prava Romkinja na Zapadnom Balkanu, Evropskog ženskog lobija i članice NVO vijeća i Izvršnog odbora NVO Vijeća.

Posjete Fondaciji CURE - u 2012. Fondacija CURE je registrovala 79 posjeta što je uključivalo više osoba po posjeti. Ukupan broj osoba koje su posjetile Fondaciju CURE je 158. Posjetioce/teljke su najviše interesovale teme kao što su aktivnosti Fondacije CURE, ženski pokret u BiH, nasilje nad ženama i položaj žena u bh. društvu.



CURE su kroz aktivnosti u 2012. godini informisale i educirale preko 4.756 učesnika/ca. Posjetile smo i imale učesnike/ce iz sljedećih gradova:

Banja Luka, Mostar, Goražde, Srebrenica, Tuzla, Sarajevo, Visoko, Konjic, Kakanj, Derventa, Trebinje, Livno, Travnik, Bijeljina, Zenica, Tešanj, Jajce, Orašje, Prozor, Gračanica, Gradačac, Tomislavgrad, Niš, Zagreb i Beograd.

FWT - 5 radionica/58 učesnica + feministički ljetni kamp/22 učesnice + sastanak mreže mladih aktivistkinja/20 učesnica;

Oživljavanje ženskog pokreta u BiH - 3 radionice/57 učesnica + radionice u srednjim školama/85 učenika/ica + sastanci volonterki/56 volonterki;

Konferencija Ženske mreže BiH - 56 učesnika/ica;

Facebook grupa Fondacije CURE - 1.194 članova/ica;

Radionice „Sama sebi na prvom mjestu“ - 2 radionice/48 učesnica;

X-Press sesije - 113 učesnika/ica, od toga 48 novinara/ki i 65 predstavnika/ica marginalizovanih grupa;

101 razlog zašto glasati za ženu na lokalnim izborima - javne debate/60 učesnika/ica + preko 1000 indirektnih učesnika/ica na uličnim akcijama;

Radionice o ženskim ljudskim pravima (Friedrich Ebert Stiftung) - 8 radionica/140 učesnica;

PitchWise - preko 450 učesnika/ica, od toga 36 umjetnika/ice, 114 direktnih učesnika/ka i preko 300 indirektnih (koncerti i izložbe);

Osmomartovski marš - preko 800 aktivistkinja i aktivista

Mreža mladih aktivistkinja - 471 članica

Posjete u fondaciji CURE - registrovanih 76 posjeta/158 osoba

DONATORI/KE:

Kvinna till Kvinna; Global Fund for Women; Die Feministische Friedensorganisation cFd; Heart and Hand Fund; Friedrich-Ebert-Stiftung; Heinrich Böll Stiftung B&H; Centri civilnih inicijativa BiH Sarajevo; Federalno ministarstvo kulture i sporta.